

॥ भूसूक्तम् ॥

(तैत्तिरीय संहिता काण्डम् - १/प्रपाठकः - ५/अनुवाकः - ३)

भूमिर्भूम्ना द्यौर्वरिणाऽन्तरिक्षं महित्वा। उपस्थे ते
देव्यदितेऽग्निमन्त्रादमन्त्राद्यायाऽऽदधे। आऽयङ्गौः पृथिरक्रमी-
दसनन्मातरं पुनः। पितरं च प्रयन्त्सुवः। त्रिंशद्धाम वि
राजति वाक्पतङ्गाय शिश्रिये। प्रत्यस्य वह द्युभिः। अस्य
प्राणादपानत्यन्तश्चरति रोचना। व्यंख्यन् महिषः सुवः॥

यत्त्वां क्रुद्धः परोवप मन्युना यदवर्त्या। सुकल्पमग्रे
तत्तव पुनस्त्वोद्धीपयामसि। यत्ते मन्युपरोक्षस्य पृथिवीमनु
दध्वसे। आदित्या विश्वे तद्देवा वसवश्च समाभरन्।
मनो ज्योतिर्जुषतामाज्यं विच्छिन्नं यज्ञं समिमं दधातु।
बृहस्पतिस्तनुतामिमं नो विश्वे देवा इह मादयन्ताम्। सप्त
ते अग्रे समिधः सप्त जिह्वाः सप्तर्षयः सप्त धाम प्रियाणि।
सप्त होत्राः सप्तधा त्वा यजन्ति सप्त योनीरापृणस्वा घृतेन।
पुनरूर्जा नि वर्तस्व पुनरग्न इषाऽऽयुषा। पुनर्नः पाहि
विश्वतः। सह रय्या नि वर्तस्वाऽग्रे पिन्वस्व धारया।
विश्वप्स्रिया विश्वतस्परि। लेकः सलेकः सुलेकस्ते
न आदित्या आज्यं जुषाणा वियन्तु केतुः सकेतः
सुकेतस्ते न आदित्या आज्यं जुषाणा वियन्तु विवस्वां
अदितिर्देवजूतिस्ते न आदित्या आज्यं जुषाणा वियन्तु।

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>